


Komisija za izbor naučnog saradnika:

Dr. Vjeran Kursar

Dr. Safet Bandžović

Dr. Fahd Kasumović



Institut za historiju Univerziteta u Sarajevu

Sarajevo, 25. august 2019.

Predmet: dostava Izvještaja Komisije

U prilogu Vam dostavljamo izvještaj Komisije za izbor naučnog suradnika za oblast starije historije
- osmanski period dr. Ramize Smajić

Komisija:

Vjeran Kursar
Safet Bandžović
Ramiza Smajić

VIJEĆU INSTITUTA ZA HISTORIJU UNIVERZITETA U SARAJEVU

Na osnovu člana 29. Zakona o naučnoistraživačkoj djelatnosti ("Službene novine Kantona Sarajevo" broj 16/06) i člana 106. Statuta Univerziteta u Sarajevu, Vijeće Instituta za historiju je aktom broj 01-01-512/19 od 30. 07. 2019. donijelo je odluku o imenovanju Komisije za izbor u naučno zvanje naučni suradnik za oblast starije historije - osmanski period u sljedećem sastavu:

1. dr. Vjeran Kursar, predsjednik komisije
2. dr. Safet Bandžović, član
3. dr. Fahd Kasumović, član
4. dr. Sedad Bešlija, zamjenski član.

Komisija je zaprimila akt (Potvrda) Instituta br. 03-01-509/19 od 29. 07. 2019. godine, kojim se potvrđuje da se na javni oglas za izbor u zvanje naučnog saradnika za stariju historiju - osmanski period objavljenom u dnevnom listu "Dnevni list" i na web stranici Instituta za historiju i Univerziteta u Sarajevu dana 10. 07. 2019. prijavio jedan kandidat: **dr. Ramiza Smajić**. U spomenutom aktu sekretar Instituta konstatira da je prijava potpuna i uskladena sa uvjetima utvrđenim konkursom.

IZVJEŠTAJ

Dr. Ramiza Smajić rođena je 14. 12. 1966. u Visokom, gdje je završila osnovnu školu. U Sarajevu je završila Prvu gimnaziju. Godine 1989. završila je studij na Odsjeku za orijentalistiku Filozofskog fakulteta u Sarajevu i stekla naslov diplomirani orijentalista - turkolog i arabist. Godine 2006. stekla je naslov magistra historijskih nauka na Odsjeku za historiju Filozofskog fakulteta u Sarajevu odbranom magistarskog rada pod naslovom "Društveno-političke prilike u Bosanskoj krajini prema djelima Muvekita, Pečevije i Naime". Godine 2019. završila je poslijediplomski doktorski studij *Rani novi vijek* na Odsjeku za povijest Filozofskog fakulteta Sveučilišta u Zagrebu i doktorirala odbranivši disertaciju pod naslovom "Migracijski tokovi, društveno-političke prilike u Bosanskom Ejaletu (1683.-1718.)" te stekla akademski stupanj doktorice znanosti iz znanstvenog područja humanističkih znanosti, znanstvenog polja povijest, kao i sva prava koja iz toga proizlaze. Ta akademska kvalifikacija je priznata rješenjem broj 0101-2028-1-2/19 Univerziteta u Sarajevu od 21. 05. 2019. u svrhu zapošljavanja u Bosni i Hercegovini.

Kao student najvišeg prosjeka dobitnik je značke fonda "Hasan Brkić" za svaku godinu studija. Kandidatkinja je od 1990. do 1993. bila zaposlena u Historijskom odjeljenju Orijentalnog instituta u Sarajevu na mjestu asistenta. 1993./94. godine zaposlena je na Islamskoj pedagoškoj akademiji u Zenici kao asistent na predmetu Arapski jezik i predavač na predmetu Orijentalno-islamska civilizacija, te kao nastavnik Arapskog jezika u OŠ "Safvet-beg Bašagić" u Visokom. 1994/95. zaposlena je na RTV Visoko kao glavni i odgovorni urednik. Od 1996. do 2000. godine zaposlena je u Nacionalnoj i univerzitetskoj biblioteci Bosne i Hercegovine kao voditelj Zbirke rukopisne i

rijetke knjige i v.d. rukovodioca Odjeljenja specijalnih zbirki i "Bosniace". Od 2000. godine zaposlena je u Institutu za historiju u Sarajevu, kao viši stručni suradnik za stariju historiju (osmanski period).

Kandidatkinja je uz prijavu na konkurs priložila bibliografiju i radove kojima dokazuje svoje naučno-istraživačke sposobnosti. Dr. Ramiza Smajić je objavila jednu znanstvenu monografiju (*Bosanska krajina. Historija, legende i mitovi*, Sarajevo: Dobra knjiga, 2009), te više desetina naučnih i stručnih radova u historiografsko relevantnim publikacijama, časopisima i zbornicima (u bibliografiji je naveden 31 članak objavljen od 1995., bez onih ranijih objavljenih pod prezimenom Ibrahimović), recenzija i predgovora, te dvadesetak prevoda iz različitih oblasti sa francuskog, arapskog i turskog jezika. Kandidatkinja je također sudjelovala kao koautor u priređivanju najstarijeg katastarskog popisa live Bosna iz 1468/9. godine u sklopu makroprojekta Akademije nauka i umjetnosti Bosne i Hercegovine DC XIII/2.

Kandidatkinja je sudjelovala sa izlaganjima na 32 naučna skupa lokalnog i međunarodnog karaktera (Zagreb, Istanbul, Novi Sad, Bukurešt, Çanakkale, Münster, Pariz). Ktome, kandidatkinja je održala tri javna predavanja.

Bibliografija

Monografija:

Bosanska krajina. Historija, legende i mitovi (Sarajevo: Dobra knjiga, 2009)

Članci:

"Istraživanje osmanskog perioda u BiH. historiografski izazovi i dometi," u: Naučno savjetovanje *Naučna misao u Bosni i Hercegovini: historijski razvoj do kraja XX stoljeća*, Mostar, Federalno ministarstvo obrazovanja i nauke, 2018, 471-484

"Osobnosti bošnjačke tradicije u pluralističkom osmanskom društvu," u: Naučni skup *Bošnjaci u Osmanskom Carstvu (XV-XX stoljeće)*, Sarajevo, 2016, 187-219

"Iskušenja vremena i odgovornost historičara," *Context: časopis za interdisciplinarne studije*, vol. 3, br. 2, Sarajevo, 2016, 35-75

"Hercegovina u historiografskom kaleidoskopu: Pogledi dr. Ahmeda S. Aličića," u: Naučni skup *Hercegovački naučnici/znanstvenici i tradicija istraživanja u Hercegovini*, Mostar, 11. i 12. decembra/prosinca 2015. godine, Mostar: Federalno ministarstvo obrazovanja i nauke, 2016, 253-268

"Iskušenja svakodnevnice u periodu Prvog svjetskog rata - iskustva muhadžira," u: *Arhiv, mediji i kultura sjećanja u Prvom svjetskom ratu*, Ćirković, Dragan, Jaćimović, Miroslav, ur., Novi Sad: Arhiv Vojvodine (Novi Sad: Alfa-Graf NS), 2014, 212-224

"Ottoman Tradition in Bosnia and Herzegovina: The Reality and Historiographic Generalisations in the 20th Century," u: *The Ottoman Legacy and the Balkan Muslim Communities Today*, Halit Eren, ur., Sarajevo: Centar za napredne studije, CNS; Balkanlar Medeniyet Merkezi, BALMED, 2011, 145-154

“Manjinske zajednice u demografskom mozaiku 18. stoljeća: primjer Roma,” u: *Migracije u Bosni i Hercegovini*, Šabotić, Izet, ur., Tuzla: BZK Preporod, 2010, 325-331

“Pravci razvoja osmanistike u jugoslovenskom i postjugoslovenskom periodu,” u: *Naučno djelo akademika Branislava Đurđeva*, Dževad Juzbašić, ur., Sarajevo: ANUBiH, 2010, 93-100

“Neki kulturološki aspekti bošnjačkog identiteta u djelu Hivzije Hasandedića,” u: *Život i djelo Hivzije Hasandedića*, Nazif Garib, ur., Mostar: Islamski kulturni centar, 2010, 93-99

“Ottoman Tradition in Bosnia and Herzegovina: The Reality and Historiographic Generalisations in the 20th Century,” u: *The Ottoman Legacy and the Balkan Muslim Communities Today* (Sarajevo, 16-18 October 2009), BALMED-CNS, 2011, 145-154

“The Churches and Early Ottoman Governance in Bosnia: the Reality and Historiographic Generalisations in the 20th Century,” *Güney-Doğu Avrupa Araştırmaları Dergisi*, 15 (2009), 124-135

“Doprinos Adema Handžića istraživanju gradskih naselja u Bosni,” u: *Djelo dr. Adema Handžića*, Amir Brka, ur., Tešanj: Centar za kulturu i obrazovanje, 2008, 41-49

“Romi u bosanskohercegovačkom demografskom mozaiku: osmanski period,” *Ljudska prava, časopis za sve pravno-političke probleme*, Sarajevo, 1-4 (2008), 9; 142-146

“Tragovi neislamskih vjerovanja u životu i tradiciji bosanskohercegovačkih muslimana kao poprište kvaziznanstvenih teorija,” u: *Interaction of Turkish and Other Civilizations in the Balkans during the Pre-Ottoman Period and in the First Ottoman Century*, Hafiz, Nimetullah, ur., Prizren: BAL-TAM, 2007, 73-77

“Doprinos dr. Adema Handžića istraživanju historijske demografije Bosne i Hercegovine,” *Godišnjak BZK Preporod*, VI (2006), Sarajevo, 160-164

“Bosna i Hercegovina 60-ih godina 19. stoljeća prema izvještaju Dževdet-paše,” *Saznanja, časopis za historiju*, 1 (2005), Tuzla, 105-110

“Odnos Porte prema vjerskoj strukturi stanovništva u Bosni i Hercegovini,” *Ljudska prava, časopis za sve pravno-političke probleme*, Sarajevo, 6 (2005), 3-4, 171-174

“Vjenčanja pred gračaničkim kadijom,” *Gračanički glasnik, časopis za kulturnu historiju*, X (2005), 20, 127-138

“Arapskim pismom do umjetnosti kaligrafije,” *Beharistan, časopis za kulturu*, 9 (2003), 162-169

“Neki terminološki problemi u izučavanju osmanskog perioda historije Bosne i Hercegovine,” u: *Historiografija u Bosni i Hercegovini 1990-2000*, Huskić, Adnan, ur., Mostar: ANUBiH, 2003, 59-65

“Dva zanimljiva berata iz prve polovice 17. stoljeća,” *Prilozi Instituta za istoriju u Sarajevu*, Sarajevo, 2 (2003), 251-260

"O rudnicima Fojnice - prilog proučavanju rudarstva u osmanskome periodu." *Geotehnika u funkciji zaštite okoliša*. Tuzla: Rudarski institut, 2003, 333-336

"Posljednji gračančki sidžil." *Gračanički glasnik, časopis za kulturnu historiju*, 8 (2003), 16, 38-47

"Manuscripts orientaux à Sarajevo." *Revue des mondes musulmans et de la Méditerranée (RMMM)*, 99-100 (2002), 33-43

"Koju historiju učiti?," *Novi Muallim, časopis za odgoj i obrazovanje*, 2 (2001), 132-136

"Fragmenti iz historije otimanja vakufa: povijest pod nogama." *Novi Muallim, časopis za odgoj i obrazovanje*, 1 (2000), 3, 158-163

"Školstvo u Bosni i Hercegovini na prijelazu iz 19. u 20. stoljeće." *Novi Muallim, časopis za odgoj i obrazovanje*, 1 (2000), 3, 100-105

"Zakon o timarima iz 1869. godine." *Hercegovina: časopis za kulturno i istorijsko nasljeđe*, 1-12 (1999), 99-103

"Jedan prepis s kraja 18. stoljeća." *Bosniaca*, III (1998), 3, 131-132

"Bosanski muslimani pod nasrtajima etnocentrične, islamofobne i ahistorijske svijesti u svjetlu građe orijentalne provenijencije." u: *Razaranja identiteta Bosanskih muslimana*, KDM Preporod / Centar za istraživanje ratnih zločina i zločina genocida nad muslimanima, Zenica, 26. i 27. jun 1993, Zenica, 1993.

"Struktura feudalne klase u Bosni u 15. vijeku s posebnim osvrtom na regionalnu i konfesionalnu pripadnost." u: *Širenje islama i islamska kultura u Bosanskom ejaletu*, zbornik simpozija održanog 7.-9. marta 1991. god. u Sarajevu, *Prilozi za orijentalnu filologiju*, br. 41 (1991), Sarajevo: Orijentalni institut u Sarajevu, 269-282

U svojem do sada najvažnijem naučnom doprinosu, doktorskom radu pod naslovom "Migracijski tokovi, društveno-političke prilike u Bosanskom Ejaletu (1683.-1718.)", Ramiza Smajić se opredijelila za interdisciplinarni i interkulturalni pristup te komparativnu historijsko-demografsku i kulturno-povijesnu metodologiju. Zbog specifičnosti ranonovovjekovnih izvora demografskog karaktera, uključujući i osmanske, koji nisu popisi stanovništva u modernom smislu, već popisi poreznih obveznika, župni popisi vjernika, okvirne procjene stranaca i sl., kandidatkinja navodi da se ne može očekivati da podaci o broju stanovništva u Bosanskom ejaletu budu egzaktni i zaokruženi. Kandidatkinja je posebnu pažnju obratila na rezultate samih migracija, kao što su ubrzan rast gradova i urbanizacija, kulturno kruženje, preuzimanje tradicija, itd. U radu je korišten komparativan, multiperspektivan i relacijski pristup kao sredstvo za interpretaciju međuodnosa makrohistorijskih procesa, kao što su kretanja stanovništva i mikrohistorijskih fenomena, poput svakodnevnog života pojedinca. U teorijskom smislu, kandidatkinja se poziva na Haydena Whitea i njegovu teoriju veze između povijesti i naracije, odnosno "fabulacije povijesti", što u metodološkom pristupu rezultira u uspoređivanju arhivskih dokumenata i naracije, odnosno povijesnih predstava. Što se tiče povijesnih izvora, kandidatkinja je koristila brojnu osmanističku

gradu iz različitih arhiva, kao što su Istanbul Başbakanlık Osmanlı Arşivi, Istanbul Belediye Kütüphanesi, Ankara Tapu ve Kadastro Arşivi u Turskoj, Državni arhivi u Zadru, Dubrovniku, Splitu, Zagrebu i Požegi u Hrvatskoj, sarajevski Orijentalni institut, Gazi Husrev-begova biblioteka, Historijski arhiv Sarajevo, zbirka Akademije nauka i umjetnosti Bosne i Hercegovine, arhiv Franjevačkog samostana u Fojnici i Arhiv Hercegovine u Mostaru u Bosni i Hercegovini, arhiv Srpske akademije nauka i umjetnosti u Beogradu u Srbiji, kao i Hoff kriegs archiv u Beču u Austriji. Popis korištenih izvora i literature koja uključuje relevante domaće i međunarodne naslove na hrvatskom, srpskom, francuskom, njemačkom, turskom i arapskom jeziku svjedoči o temeljitosti i sustavnom pristupu istraživačkoj tematici. Iako i unatoč korištenja raznorodnih osmanskih i neosmanskih izvora, poput katastarskih popisa, šikajet i muhimme deftera, crkvenih matičnih knjiga, vizitatorskih izvještaja, zbog specifičnosti ranonovovjekovnih izvora, koji ne sliče modernim popisima stanovništva, nije bilo moguće doći do konačnih i egzaktnih brojki. kandidatkinja je s uspjehom izvršila analizu generalnog kretanja stanovništva koje napušta ili doseljava na područje Bosanskog ejaleta, unutarnjih migracija, te rezultata i posljedica ratom uzrokovanih migracija, kao što je depopulacija, te, u kasnijem razdoblju demografski oporavak, urbanizacija, te kulturni transferi, preuzimanje tradicija, formiranje predrasuda, i sl. Istražujući zahtjevu i do sada slabo istraženu temu, Ramiza Smajić se iskazala kao kvalificirana istraživačica ranonovovjekovne društvene, demografske, konfesionalne povijesti kao i fenomena migracija. Sustavno je koncipirala rad, jasno i pregledno izložila vlastiti istraživački princip i hipoteze, te u velikoj mjeri sustavno i detaljno argumentirala postavljene teze. Rad na ovoj temi zahtijevao je sistematizaciju velike količine novih informacija iz arhivskih vrela, te njihovo kritičko propitivanje u kontekstu fenomena migracija u Bosanskom ejaletu, što je kandidatkinja, uz kritičku sintezu postojeće literature, s uspjehom učinila.

Na temelju disertacije Ramize Smajić, kao i vrijedne monografije *Bosanska krajina. Historija, legende i mitovi* (Sarajevo: Dobra knjiga, 2009), te tridesetak znanstvenih i stručnih članaka, te brojnih prikaza i osvrti, i ostalih tekstova, može se zaključiti da je riječ o vrlo produktivnoj i zreloj istraživačici, koja s uspjehom obrađuje ne samo historiografski relevantne, nego i društveno važne teme iz perioda osmanske vlasti u Bosni i Hercegovini. Kandidatkinja je pokazala da je s uspjehom ovladala historičarskom disciplinom, analizom i kritikom izvora te njihovom interpretacijom, kao i sposobnošću sinteze. Često korišten multidisciplinarni, historijsko-lingvistički, etnološki i kulturno-historijski pristup različitim temama pokazao se kao vrlo plodan.

Prijedlog za izbor u zvanje:

Temeljem gore navedenih podataka o kandidatkinji Ramizi Smajić, njezinim postignućima tijekom studija, pokazanim naučno-istraživačkim kvalitetama i rezultatima stručnog i naučno-istraživačkog rada, a u skladu s uvjetima utvrđenim Konkursom i važećim Zakonom o naučnoistraživačkoj djelatnosti i pratećim propisima, Komisija jednoglasno zaključuje da po svim navedenim elementima dr. Ramiza Smajić ispunjava uslove za izbor u zvanje naučni suradnik. Ona je tokom visokoškolskog obrazovanja postigla vrlo visoke rezultate (prosječna ocjena na diplomskom studiju iznosi 9,36, a na postdiplomskom magistarskom studiju 8,85), pokazala je zavidne naučno-istraživačke sposobnosti, ima naučne stepene magistra i doktora historijskih nauka, i ima u recenziranim publikacijama objavljene brojne izvorne naučne radove iz oblasti za koju je konkurs raspisan, uključujući i jednu monografiju. **Uzevši u obzir sve navedeno u cjelini Izvještaja, Komisija sa zadovoljstvom predlaže da se Ramiza Smajić, doktor historijskih nauka, izabere**

u naučno zvanje naučni saradnik za oblast starije historije - osmanski period u Institutu za historiju Univerziteta u Sarajevu.

Sarajevo, 25. 08. 2019.

Komisija:



doc. dr. Vjeran Kursar, predsjednik



naučni savj. dr. Safet Bandžović, član



doc. dr. Fahd Kasumović, član